



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 42. Sententia in Nestorium lata.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

Sæculum V.
A. C. 431.

adornare non posset, ut saltem Disciplina Ecclesiasticæ satisfaceret, & debitam Synodo universali Reverentiam exhiberet, Diaconum misit, qui absentia causas exponeret. Ergo rogabat Episcopos, ut illis, qui novam Doctrinam in Ecclesiam inducere conarentur, fortiter resisterent, nec ea, quæ definita jam essent, rursus in dubium vocari paterentur, nec Patrum Doctrinam contemni. S. Cyrillus petiit, ut hæc Capreoli epistola actis infereretur, quia clarissimum ferebat testimonium, antiqua Fidei Dogmata esse asserenda, & rejicienda nova. Omnes Episcopi exclamarunt: *omnes idem sentimus, idem exoptamus!*

§. XLII.

Sententia in Nestorium lata.

His peractis, Sententia in Nestorium lata in hæc verba: *Cum Nestorius præter alia perperam facta a nobis citatus non obedierit, & Episcopos a nobis missos non receperit, impias propositiones ejus examini subicere coacti sumus, & postquam partim ex suis epistolis, partim ex aliis scriptis, partim ex verbis suis, quæ his diebus in hac Civitate protulit, omnibus per testes confirmatis, convictus est, quod impia credat, & doceat, ad hanc necessitatem compulsi per Auctoritatem Canonum, & Epistolæ nostri Sanctissimi Patris, & Collega*

legæ Cælestini, (*) *Ecclesiæ Romanæ Episcopi*, postquam etiam sæpe lacrymas fudimus, tristem sententiam protulimus: Dominus noster *Jesus Christus*, quem blasphemavit, ore hujus Sancti Concilii pronuntiavit, ipsum omni Dignitate Episcopali esse privatam, & ab omni Fidelium Societate rescissum. *Cyrillus, Episcopus Alexandrinus*, cum Concilio judicans subscripsi. *Juvenalis Episcopus Jerosolymitanus*, cum Concilio judicans, subscripsi. (**) Omnes cæteri Episcopi præsentés eodem modo, numero centum nonaginta duo subscripserunt. Aliqui se Episcopos per Gratiã, seu Misericordiam Dei, dixerunt, aliqui *Ecclesiæ Catholicæ* in tali loco Episcopos. Non nulli manu Presbyteri subscribebant, cum unus manum læsam haberet, & alius ægrotaret. Aliqui Episcopi post hanc primam Sessionem Concilium ingressi, & ipsi subscripserunt, ita ut Nestorius a pluribus, quam ducentis Episcopis, fuerit depositus, quippe aliqui aliorum, qui Ephesum ire non potuerant, locum tenebant. Hæc est prima Concilii Sessio, quæ a summo mane tenuit, usque dum

Sæculum V.
A.C. 431.

23. Jun.

Epist. Cyr.
10. 3. *Conc.*
p. 573.

(*) Hic dispicitur, quanta sit Summi Pontificis in Concilio œcumenico Auctoritas.

(**) Ex hoc subscribendi modo colligendum, an Episcopi in Synodo Generali Judices sint, vel Consilarii.

Sæculum V. dum nox rueret. Erat vero tunc dies
A. C. 431. longissima, nempe vigesima secunda Junii, qua Civitati Ephesinæ hora septima, accedentibus undecim minutis, Sol occidit. Populus Ephesinus a mane usque ad Vesperam Concilii Sententiam expectabat, atque ut primum vulgari cœpit, Nestorium fuisse depositum, omnes una voce Sacræ Synodo benedicere, & Deum laudare, quod fidei hostis cecidisset. Exeuntes ab Ecclesia Episcopos accensis fascibus in domos suas deduxerunt, præcedentibus mulieribus, quæ pretiosos odores spargebant in aerem. Appensis lucernis illustrata civitas, nemo non lætitiæ signa edidit.

Altera die, 23. Junii, mandatum, ut Nestorio Depositionis suæ sententia significaretur, in hæc verba: *Sanctum Concilium Dei Gratia, & piissimorum Imperatorum nostrorum jussu Ephesi congregatum, Nestorio alteri Judæ proditioni. Scito! quod ob Dogmata tua impia, & Canonum contemptum a Sancto Concilio secundum Leges Ecclesiæ depositus sis, & omni Gradu Ecclesiastico exclusus, præsentis mensis Junii die vigesima secunda.* Hæc sententia in foris publicis affixa, & a Præconibus promulgata. Eadem die Concilium scripsit ad Eucharium, Ecclesiæ Constantinopolitanæ Defensorem, ad Presbyteros, Oeconomos, & reliquos Clericos

ricos, & ipsis Nestorii depositionem, pri-
ori die pronuntiatam, notam fecit; hor-
tatur, ut omnia Bona Ecclesiæ diligenter
custodiant, de iis rationem reddituri fu-
turo Episcopo Constantinopolitano, qui,
ut dicit Epistola, secundum Dei volunta-
tem, & Piissimorum Imperatorum nostro-
rum, ordinabitur.

Sæculum V.
A.C. 431.

§. XLIII.

Epistola ad Abbatem Dalmatium.

Eodem tempore S. Cyrillus scripsit ad
Abbatem Dalmatium, cæterosque,
qui res ejus Constantinopoli procurabant,
nempe Episcopos Macarium, & Potamonem,
ex illis duos, quos Concilium Ægypti
anno superiore ad Nestorium miserat,
nam alii duo Theopemptus, & Daniel,
Ephesi erant. Duo etiam Presbyteri S.
Cyrilli Timotheus, & Eulogius ibi mora-
bantur. Igitur Epistola ad hos quinque
Episcopum Macarium, & Potamonem,
Abbatem Dalmatium, atque Timotheum,
& Eulogium Presbyteros, data est. Dal-
matius Abbas inter cæteros Monachos
Constantinopoli Sanctitatis fama emine-
bat. Is sub Theodosio Magno militiam
secutus, secundæ Prætorianorum cohorti
adscriptus merebatur, in illo quoque vi-
tæ genere pietatis amantissimus. Ut per-
fectius Deo serviret, relicta uxore, &
cæteris liberis, cum filio Fausto ad Abba-
tem

ibid.

Menolog.
3. *Aug.*